



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

9 հունվարի 2026 թվականի թիվ 8-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶԻ ՀԱՄԱՅՆՔՆԵՐԻ ԿՈՂՄԻՑ
ՏՆՏԵՍԱԿԱՆ ԵՎ ՍՈՑԻԱԼԱԿԱՆ ԵՆԹԱԿԱՌՈՒՑՎԱԾՔՆԵՐԻ ԶԱՐԳԱՑՄԱՆ
ՈՒՂՂՎԱԾ ՍՈՒՔՎԵՆՑԻԱՆԵՐԻ ՀԱՅՏԵՐԻ ՓԱԹԵԹՆԵՐԻ ՌԻՍՈՒՄՆԱՍԻՐՄԱՆ
ԵՎ ԾՐԱԳՐԵՐԻ ԻՐԱԿԱՆԱՑՄԱՆ ԸՆԹԱՑՔԻ ՄՇՏԱԴԻՏԱՐԿՄԱՆ ՈԼՈՐՏԱՅԻՆ
ԱՇԽԱՏԱՆՔԱՅԻՆ ԽՈՒՄԲ ՍՏԵՂԾԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասով և հիմք ընդունելով Հայաստանի Հանրապետության պետական բյուջեից համայնքներին սուբվենցիաների տրամադրման կարգը հաստատելու մասին Հայաստանի Հանրապետության կառավարության 2006 թվականի նոյեմբերի 16-ի թիվ 1708-Ն որոշումը.

Որոշում եմ.

1. Հայաստանի Հանրապետության Տավուշի մարզի համայնքների կողմից տնտեսական և սոցիալական ենթակառուցվածքների զարգացմանն ուղղված սուբվենցիաների հայտերի փաթեթների ուսումնասիրման և ծրագրերի իրականացման ընթացքի մշտադիտարկման նպատակով ստեղծել ոլորտային աշխատանքային խումբ համաձայն հավելվածի:
- Աշխատանքային խմբին.
2. Սուբվենցիաների հայտերի փաթեթները ստանալուց հետո ուսումնասիրել ծրագրերի իրականացման իրագործելիության և ֆինանսական ցուցանիշների համապատասխանությունը՝ Հայաստանի Հանրապետության կառավարության որոշմամբ հաստատված կարգի դրույթներին:
3. Սուբվենցիաների հայտերը քննարկելուց և ամփոփելուց հետո փաթեթները ներկայացնել Հայաստանի Հանրապետության տարածքային կառավարման և ենթակառուցվածքների նախարարություն:
4. Կատարվող աշխատանքների ընթացքի և որակի համապատասխանության ուսումնասիրման նպատակով իրականացնել այցելություններ ամիսը 2 անգամ:

5. Կատարված աշխատանքների մասին մինչև յուրաքանչյուր ամսվա 10-ը տեղեկատվություն ներկայացնել մարզպետին:
6. Հայաստանի Հանրապետության կառավարության որոշմամբ հաստատված կարգին համապատասխան ապահովել ծրագրերի լուսաբանման գործընթացը:

ՀԱՅԿ ՂԱԼՈՒՄՅԱՆ



2026-01-09 17:00:47 GMT+4
Հավաստված է ԷԿԵՆԳ-ի կողմից

mID



ք. Իջևան
9 հունվարի 2026թ